

ALL NATIONS GOSPEL PUBLISHERS



www.angp-hb.co.za



info@angp.co.za

THEMIA-U MELOU

(Angami Naga)

Copyright ANGP

COPYRIGHT
ISBN 1 - 874934 - 04 - 5

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.
(A Gospel Literature Mission financed by donations)
(Reg. No. 1961/001798/08)

THEMIA-U MELOU

(Angami Naga)

JIHOVA KERUSUOKIU MORO SATAN

KEBA CHUU (1 Johan. 3:4-10)

No leshüda hau kephrü ki, khrüva puo nunu noa n thuo n ngulieyakezha kemhie n nounu leliechie. N thuo Khristanmia puo shierei morei Khristan chüya mo shierei morei tsiesieketa kepelemia puo morei pelekemomia puo shierei, Jihovaa n nguyakezha tuoi n thuo n ngulietuo. "Themiaa chazou mia-u mehoya, derei Jihovaa thenoutsa mehoya" (1 Sam. 16:7). Jihovaa miapuorei rhu pekriya mo.

Satan-a ketijüko pete krüu zo. Puaa kezei kedinu-ou mu kijüu Rhuo-u zo, puorhi chüpie teigeidieliemia mhielie, sidi thenu rei thepfu rei seketsituoya. Thiedzü reimutsiedo teiki rei ketijü apostle kekra mu mia seketsiketuo lie thomia kekra Khrista apostleko dorie lie di tuo phite. "Mu puo thuo siürei ungo puo mo; satan thuo rei puo kezie teigeidieliemia mevi chülieya zeru" (2 Korin. 11:13,14). Satan, kijü hau Rhuo-u; themiako mhi chü pezei mu uko nou chü kerüowatachü la uko bu Jihovaa uko khrieya kechü morei Jisua uko kelalie ketuo la siashü ükechü ngulie kenjü tuote. Kephoumamia peteko mu pelekemoko sü Jihova kitsatie uko mhichie mu siatuota zo. Ukoa kijü hau rhuo-u ruopfü bu uko kekha se tuote. (Efe. 2:2). Uko mhiu khrüpie ukoa keka chau nu votazhükechü ngushü kemosie ukoa kechachie kepekau nu vota zotuo. Kehoupuorei, "A phouma mo" idi puyakezhamia puo thuo puo seyakezha zo. "Jihova Nuo-u thiedzü mia mhingü chü vorkechü kekreilamonyü Puaa terhüo kerüzhüu mhathoko bie pekawatuoükechü la zo" (1 Jn. 3:8). "Süla nieko Jihova die ze chülie, mu terhüo kesuou mese chülie; sitse puo ta nie thertatuo".

No leshüda hayo phrüştü mu miarhiko mehokeshü ki no n thuo n nou ngulie kevi chülietuo. Jihova kezieu bu ler di n nou rüliu thashülieketuo la n nou khrüşüliechie. N kephoumako siliechie, sidi kevieta hiechie, kekreilamonü Jihova die uko ki pushükechü, "We phoumayo mo ükechü puya liro, we u thuo u se tuoyakezha zo, mu ketho-u u nou ba mo zo, derei we u kephoumako pu phrashülie liro puo zowe dietho mu miatho di u kephoumako vashütuoü mu miathokemo kheko nunu u chü kem-esalietuoü ba zo" (1 Jn. 1:1-10). "Jihova Nuo-u Jisu Khrista zie-a u kephoum u peteko nunu u chü kemesashüya".

Noa satan bu mu moro Jihova bu n kekha tuo; no kephouma die chü mu moro Jihova kituo chütuo. Mhanuü kephouma n mho diya liro süu kevieta hiechie, derei pie Jihova ki pu rükhuoshü liechie. Jisu Khristaa kephoumako kelalietuoü di kijü nu kevor-u geinu Puaa n khatseishüwa tuo, satan kekuo mu kephouma u phapfü kebako nunu u phreishüwa lievi. Pua uko rhakelieu zo. Noa kemesa Jihova mhodzü nu ba zo, puoa kepekhre nu rei nguya, n kelhou gei n kele kemedo pete mu u mhathoko rei pete si. Jihova mhodzü nunu no mu n mhathoka rüshütaie kenjü, kekreibamoü, "Puo n nyie chükeshüu, puoa rünyülie motatuo ma? Pua n mhi chükeshüu puo n ngulie mota tuo ma?"

"Kekreibamonü Niepuu mhi-a kijü pete meho kho mu ke di themia kehoupuorei nnou puo kitsa mesatsei kebako la kuo keba Pua thuo puo thashü uko kie baya" (2 Chro. 16:9).

"Puo mhiniea themia chako phi baya, mu Puaa themiau tuo kevoko ngu baya. Kesuo kechümiako uko thuo rüshülie kevi keba ra kezei rei morei kesia khrüu rei baya mo" (Job. 34:21,22).

"Derei Jisu zowe uko le pevi mo; mhakekreilamonü puo themia pete rüli sikechü la" (Jn. 2:24).

Süla, "Themia puo kejo kemou vashü tsüwaketau, puo kephouma whewaketau theja ngulieya. Jihova bu puo üse mhakesuo chü ükemo-u tsiu puo gei mhakesuo tuo


kemo-u theja ngulieya" (Chieli. 32:1,2). chapter (51-u) rei phrüşhüchie Jisua thie rei kieya; "Nieko kemezhe mu nie pie mesi kezha kheko a ki vorliechie; siro a kerüli khapie nieko tsütuo" (Mt. 11:28-30).

Bible nu kephoumau dze kepu kemhie, miapua kijü hau ruopfü mu puo chü puo phou kemenguko bu puo kekha se tuoya Unou-a hakemhiekehrü ba ketho zokechü Jihovaa nguya. Kemezemia puo mhi meriehara keba dze (Mhasidie. 23:29-33) nu thupie zhü, "Supuonie meheimelo ba ga? supuonie puo nou kemezhe ba ga? supuonie keprüli ba ga? supuonie panyapara ba ga? supuonie puocha puola kejü nu rüzapfü ba ga? supuonie puo mhi merie ba ga? Zu khie ki ba pechayakezhambia, vo zu doneiünei pfüyakezhamia. Zu rüle meziepfü keba ki, süu tehie nu meloripfü keba ki, süu setepfü keba ki. no meho hie. Kenuotsa süu tinyhü tuoi n meduya, tsiu seba tuoi u keüyakezha la. N mhi thethenupfü mehotatuo, tsiu n nou mha kere pu partatuo"

(Mhasi. 23:29-33).

Miarhi hauha tsü khro khunuo kekra bu miapuo melou nu ba phikechü ngulietuo, hauha puochau liro themia melou nu kephouma kekra baya mu kephouma bu keba chü puo thashü. Jihovaa puo siedzekesiu Jeremiah tie nunu pushükechü, "Themia nou-u ha mha pete ki rei u se kedowaya, mu rüzhü zo ükechü supuonie si ba ta?" (Jer. 17:9). Jisua hau pu kemetei lashükechü, "Themia nounu paryakezhako themia chü perhuwaya. Mhakekreilamonyü themia nou lukhro nu mha kesuo kenedo pierüü kechü, kerügou, mia kedukhri, picü, mha keme hou, unou kerüzhü, mha kese, kekhrrie keze nyükechü, kemiakokechü, kethenyakechüko parya. Mha kesuo hako pete lukhro nu par di themia chü perhuwayakechü la zo" sita. (Mk. 7:21-23).

1. RÜÜ-U, Rüpüfü zievi ha kehoupuorei ngupie uneiyakezha kemhie puochau liro, kemiakokechü kephouma-u pu ba. Lucifer-a kenhekelielie dielieu, vapuowe Jihova kezieu pie, Jihova dieliemia puo chü; kemiakokechü geinu krüta di tsiewe Jihova ngumvü satan-u chütuote. (Isa. 14:9-17; Ezek. 28:12-17).



1. The Unregenerate Heart

Kemiakokechü ha mizie kesoutho-u nunu par, sidi mhacha kekra nunu puo thuo puo thashüya Huomiawe puo kinyiko la kemiako partaya, leshü phü rükrielie la, pfenei keviko sekelie tsiu u pfeneiko bu u va kethechie se di kemiako tuoya; uchü uthoko siro u pfeko gei mha khepfü krikri tuokechüko rei la kemiako tuoya...hakoha dze- (Isa. 3:17-24) nu thupie zhü. Huomiawe u pfutsa-nuo kevi la, u seyie kevi la, u kemechie mhasiko la, rüzh-ütsatie kevi- hakemhiekehrü ba phi, sisei sirei "Jihovaa ko kezhamia mese chüya, derei ngukomezhie pie thenou kemenemia tsüyakezha la" ikehrü die rükra motaya. (1 Pt. 5:5). "Jihovaa kemiakokechü mu kepachükehrüko ngumechüya ükehrü rükra motaya" (Mhasi. 8:1'). "Kepeka mhodzü kemiakokechü sierya; tsiu tetsuketa mhodzü kemelhakechü sierya" (Mhasi. 16:18).

2. MVUDO-U, Temvü mvüdo hau liro puocha chüümo menguko, mesa kemo kelhou, pierüü, pieü kech-üko rüli thashü. Pesotsatie kephouma za-u tsiedo kra se bate, derei teisozha thelatsatie sü tsiedo ha te, Jisua teichie 2000 voketa ki thelatsatie dze pushükehrü, thelatsatie teisozhako Sodom mu Gomorrah kerüzhü mhietatuo, sishü. Tsiedo ruopfü sü thenumia shierei thepfumia shierei keyhukezhie mu nanyü kitsatie leshükiko nu rei tsiu kitiekinuko nu rei, siro leshükiko nu rei vachiepfü lie bak-ta rübei mo, derei kepeka tsieu sü menga mo zo di kerüzhü do-u sü prupie themiako nou shüwa baketa hakenhiko: cenimako, kerüyokiko, kerüzhü leshüdako, hakemhiekehrü kekra, sidi Jihova mhodzü ki kephouma ükehrü zo rei tsiedowe pie kemiatho rhi va tuote. Khriesamia nyienyiekehrü kekra cenima kemeho tsiu kerüyo leshüdako kephrü tsatie thehiekehrü pie u zho chü se tuote, süsü uko te kemenga mü thenou kemezhiekehrü nu le keba rübei zo. Mesa kemo mu kerüyo kelhou do chüpie mia kieyakezha thenu rei thepfu rei puo thuo puo khreiu nu kevitho chülieketuo la thehiechü tuote. Nashüyakezha kibou-u nunu mesa kemo kelhou doko penuoshüya. Jihova kitsatie kemesa kelhou thakie puo sü Josef mu hakemhiekehrü kemesa la kuokelie sü mha kekrei puorei pie se mejükelie ba mo. (Gen. 39). Zulu ükehrü Africa pekhrotsatie keba rüna puo nu pieüko mu

pierüü kechüko dukhriwaya, hauha thie we mhasiketako la Jihovaa mia nyie kechüketuo nhie u pejo baketa zasi puo pie pethashü ba zo. Jihovaa u bu pieü chünu monyü süu therhielienu di pushü, "Kephouma kekrekiko u mo nunu mo di chazou nu chü pekuoya, derei pieü chükezhambia puo thuo puo mo bie pesuowa di phoumataya. Morei nieko mo kehoupuorei nieko Jihova kinu ngukelie mu nieko nu keba Kemesa Ruopfü rüsuoki puo zo ükechü nieko si mo ma? Mu nieko ha nie thuo nie vie mota zo: Themia kehoupuorei Jihova rüsuoki süu bie pesuowaro, Jihova rei puo (uko) pesuowatuo; mhakekreilamonyü Jihova rüsuoki süusü mesa zokechü la, mu nieo rei sümie ho" (1 Korin. 6:19; 3:17).

3. THEVO-U, hauha kephouma nunu mezeketuo kemhieko mu u chalhe kesuomia rüli thashüya. Süu khunuo mesa kemopfü puo, puo cha nu mha mesa rei mesa morei pachü tuoya; sükemhie di kephouma puo nou ketou a mha mesa kemo noule morei kemesa noule tsiu mesa kemo miarhiko mu mesa kemo leshüda kemhiekechüko pete chüpie phrü mu pu tuoya.

Umo-a kerhei Jihova rüsuoki puo zo, süla süu-a mesa kemo kechücha, uzho u rüli kesuo - sada kete, khuprü takechü morei kani kemhie kechüko nunu perhuwaya. Khuprü takechü mu kani kechü ha thiedzü kinu rei tsiedowe thenumia rei thepfumia rei chükuo tuote sidi süu menguko bu themia kekra kekha se tuote. Terhuo kesuo-u die chütuoketako mu sada kete ha kekhalie lho tuoketako ha Jihova kekuo thuo rübei kekha mu phreishülie kevi zo. Nanyü kitsatie lhou ketheza tuoyakezha kro-ua kehoui nunu we sada te mo balieya, kekreilamoü ukoa süu üse ruosuo chü puo üchü lekechüla, sirei Jihova rüsuoki süusü uko mo-ua perhuwaketuo rükralie motaya. Nieko süu si mo ma?" aposle Paul-a sidi pushü süusü u mo-ua Kemesa Ruopfü rüsuoki zokechü la mu thenupfü shierei thepfuu shietei themo süu perhuwa ro Jihova rei süu pekawatuo" (1 Korin. 3:16,17; 6:18,19).

U chalhe kesuomia ha Jihova mhodzü ki chakha puo zo. We rhei baketuo la mhachüya. Kemerü ha

kechüekerie kevi chülie ro pevülieya, derei mhapuo mengukechü-u a shie zo di, "khashüchie, khashüchie" izo balieya. Uchü uphou mcngu-ua mhapuorei se tshütseikelie jü. Ketholeshü kewe-u thezho nuwe mhachü kekuomia mu kemezemia ha ketsiepie vakhriwaya. (Deut. 21:18,21). "Kekreilamonyü kemezemia tsju u chaho kesuomia mha jüta tuo; tsju rüngumhiemhie kebamia pfenhyie pfekra pie u pfedzie chütayakechü la". Sirei themia kehoupuorei kechükhuko ze kepekroyakezhamia puo puo bu thenga chülieya" (Mhasi. 23 :21; 28:7). kechaho ketuo mu puo tuo puo chüüphou mengu die chüketuo kenyimia puo siata di vo mizie nunu kemezhie keba rüli rükrashüchie. Kemezemia dze ha thupie kemerie chüpie zhü zo. Jihovaa puo die nu thu kemesapie zhükechü, "Kemezemia rei Jihova kedi nu u ya ngu lielho" isi pie zhü zo. Beer ha kechücha puo mo, süsü krie di sia liekevi puo, süu kekriemiako meze nu puo nou rei kebvüwaya, sidi süu kenya mhatho kropuo chütuotaya. Ukoa sidi mesa kemo kelhou rübei zokemo thiedzü chüya kemo kedukhri mhatho rei chütaya. Zu-a mha kretuoyakezhamia quo, mha kekuo dzüpfü-a kegei bouübei kebamia puo; tsju themia kehoupuorei süu bu puo sewayakezhamia-a mhasi kemomia. Sumianie kemeze zu chüpie zeyashiü sükosü rei Jihova mhozü nu kephouma-u ketou zo, kekreilamonyü Jihovaa pushükechü; "Zu krie kekuomiawe chie chülietiea, mu kemeze vie chüshüyakezhamia rei. (Isa. 5:22). Zu pie puo zanuo-u bu krieyakezhamiawe chie chülietiea, botle hieu pie puo tsüshü di puo bu meze reileyakechü la. (Hab. 2:15). "Morei miatho kemomia Jihova kedi nu keniqu chü lielho ükechü nieko sü si mo ma? Mhale kekrüwa hie, pieü kechümia rei, lhou kethengo nyü kechümia rei, thepfumia thuo thepfumia ze kethenga kechümia rei, siro kcrügumia rei, mia vie mehau mengukezhamia rei, mia kechü chükezhamaia rei, die kesuopie mia thakezhamia rei, Jihova kedi nu kenipu chü lielho" (1 Korin. 6:9-10).

Kijü nu u kelhou nu kephouma zhü rüliko ha kekrüwalie kenjü zo. Hakoha sükemhiekechü kropuo:- "mu sükosü pieü, mesa kemo, kerüyo, terhuo rhishü di rüsuokechü, themoukechü, kengumvükechü, kegeikechü, mia

kevi ngu u rokechü, u nou kemeyie, u la kekreikechü, kedie kreikechü u medo kreikechü, mia bu u ki vi nyü-mokechü, mezekechü, meze di keze kethenga pete chükechü hakoha mu kekrei sükemhie rei sa: themia kehoppuorei mha sikechü chüyakezhako Jihova kedikechü nu u ya ngu lielho." (Gal. 5:19-21). "Siro zu krie meze hie, zu-a u chü penyawayakezha la; sikechüu monyü Ruopfü nu ba di puo bu nie nu ketsu chülie" (Efe. 5:18).

Jisua terhüketuoko la hakemhie di kieya: "Themia kehoppuorei terhü ro puo bu a ki vor di krieliemie. Themia kehoppuorei a pelekezhau ketholeshü-a pukeshü tuoi puo nunu kerhei bzü rüko kru partuo; sita. (Jn. 7:37,38). "Oh, kehoppuorei terhüketuomia, dzüko nu vorliechie; kehoppuorei priesa ba mo zo rei vorlie di khrpie chüchie; u, vorlie, khubedzü rei mithu nudzü rei priesa se mo di mu puoma chü mo di khrüliechie" (Isa. 55:1). "Sirei themia kehoppuorei a dzü kha puo tsüketuo-u kekriemia mhakipuorei terhüta lielho; sizomonyü a dzü kha puo tsüketuo-u puo nounu dzüluo puo rüluo kepar dzükhau puo chü di vo keachie kerhei tsotuo" sita. (Jn. 4:14)

4. KHRUOHI-U, hauha kemechümia tsiu kethemouyakezha kemhieko rüli thashü ba, pele kemvü ha kethemouyakezha kehoppuorei puo zo. Joshua-a Israel nuonuoko ki hakemhie puo nhie- "Nieko kijüu lelietuo la mechü bata hiechie" (Mhasi. 31:25,26). Themia ha mhachü mechü phiya, sidi Jihova vienya ngulie kezhuo rei le pie kethetsuotaya. Jisua pushü, "Nieko kharu kemereü nunu lietuoükechü thehie chü zoliechie" sishü. (Lk. 13:24). Kehoppuorei pfüyakezhamia ngulietuo", "Mia teigei kedi pfü mvürümvü tuote, mu mvürüm vüketuoko pie u vie chülie tuote" (Mt. 11:12).

Kelakelie mu u ruopfü kitsatie kevozhü kechü-a u bu kataketuo rhi puo zo. Süu u bu kecha chülie mo mu Jihova dze le pesoulie keujütaya, Jihovaa pupiekezhü puo kinyiko welietuo rei khawaya, sidi u ze keka nu votaya. Jihova n bu n nou pie puo tsüshünu di mhapuo n ki pukeshü ki, terhuokesuo-ua n bu tsie morei sodu nu orei

hasie nu chülie zo rei viü di n ki puta tuo, ayah! puotei süuwe mhakipuorei lavrlicie mota di n bu Khrista mu Kelakelie sa mo di siata tuotükechü teiu zo ho. Jihovaa puya, “Nieko thie puo pfe silie liro, nieko nou reta hiechie” (Ibr. 3:7,8) Themia ha kelakelie ngulie kevi tei keviu pie puotei kekreibuo pfeffe bakechü nunu kidepuo katazhie ga? Sodu teiu sü n vie mo.

Khruohi ku ha themoumiakoa se di daru chüya, sidi sügeinu uko themouko dojü iya, süla hauha chau liro, kehouporei kerhei Jihova pekelie mese kethemouyakezhako mu themouyakezha kephouma-u dze thashü ba. Kemezhielie teiki, kechükenyü chükelie ki, thenoukesuo dzükelie ki tsiu kesia dzükelie teikiko ha rei u bu kerhei Jihova kieshülienu ba, “Mhakekreilamonyü Jihovaa themia kemiathomia phichako mezashüya: tsiu puoa puo chau ngu puo nei baya” (Chieli. 37:23). “Nieko donu huomia mhachü ba ma? sümia bu kehou kesekehako kielie, sidi süko bu Niepuu za se tier pie kenhe di puo la chalie. Sitse pele di kecha la mhachükezhüu kela-shütuo, mu Niepuu puo thuo süu bu sielietuo; tsiu puo mhakesuo huo chüwa zoshierü vashü puo tsütuo. Nieko süla shürholieketuo la huoniehüo mhodzü nu nie kejo kemouko pu zowalieliechie, mu huoniehüo la chalieliechie” (Jakob. 5:14-16). “Kekreibamonyü vikehiekeliie-niathutsatie nu morei niakratsa nu n orei pekhrotsatie nu vorlieya mokechü la. Derei Jihova thuo le kekreibshütuo” (Chieli. 75:6,7). Jihovaa Israel nuonuoko ki pu di sie, “Nieko nuonuo thenu rei thepfu rei bu mi chie vokechü chüshü lielho, morei themoukechü morei puoteiko ken-yükechü rei chü lho, mreie mia sekechü, morei kemoulhakechü morei ruopfü puo ze di mhachükechü, morei mia dziezho kephrü, morei kesiamia ketsokechü (kesuo ruopfü kezeko) hakemhiekochüshü lielho. Kekreibamonyü mha hakemhiekochü kechüko sü Niepuu Jihova mhodzü ki kerütse zokechü la. (Deut. 18:10-12). Jihova kedi khietsatie sü-thedo chü di kethemouyakezhamia, qieümia, mia kedukhrimia, terhuorhi kertüsuomia, mia se kedakechü uneiyakezhamia ba phre. (Pesik. 22:15). No kesuo ruopfü süko ki vo lielho morei mia dziezho mia

rüli dze puyakezhako ki rei vo lielho, morei süko vasivanyü rei lho, uko lawe phoumakechü sü uko neiu zo. Derei Jihovaa- "A niepuu nieko Jihova zo" isiya. (Lev. 19:31). "Mu uko hakemhie di nie ki kesuo ruopfü kezeko pfüliechie isi ro, mu themoumiako meholie idi pu ro, themiako puo Jihova pfü lielho ba ma? kekrelamonyü Puaa kesiako la rhei keba Jihova zo. Thezho-u mu zhakupia sügei ba: uko hakemhie di pulie kenjüta liro sü uko nou kezieu ba kemo la zo. (Isa. 8:19,20).

No leshü hayo phrü keba ki Jihovaa n rüchüya, n kephoumako nunu thenoukedilie di n kelhou khapie upo tsüshülienuya. Khruohiu kemhiekehrü ruopfüu n nou ba zoluo liro süu thuo no Jihova la mharhü kebako mu le kebako chü kediwawa sei baya, sidi kemichie üse n nou ketsu chüshü baya zo:- themiako kedipuo puta ta? a zeko, mhanuü a Khristan kevimia puo chüta ro kijüu mu nashükehrü kiko nu a vo mota ro kiüta ta? thehethiekehrüko mu kijü nu kenei rüyoko ba sa motatie. Khrista kinyi mejü kekralie kelhoko mehokelie mu no puo ungo zokechü nounge-u, u nei phalie kelho kenei, puo zayieu, chieüü reta liekelho kelhou-u, thenoukemvü u tsukepfü hako mu Khrista Jisu mehokelie geinu mha hako pejü mu khawalie morokesuo rei lelie mota, sidi themia keprei zomonyü kesia preikechü, süu terhuokesuo-u bu n phapfü bataya. Sidi ruopfü süu thuo n nou chü qerepie Khruohiu ku tuoi khrütaya. Derei Khrista Jisua vor di kesia prei kezhako mu süu die chü di lhou kemez-hieketuoko phreishüketuo la vor zo. (Ibr. 2:14,15).

5. TEKHU (khourhü-u), hau kemeriekehrü khunuo puo. Kengukemechü, unou kemeyie, tsiekenuo unou rüda par di mia dukhri rei tuoütayakezha rhiu thashü. No n nouyie kesou süusü mha kemeriekehrü puo, mu süla n o thehie chü di süu kekha ba lievi, derei süu bu n nou ba zo ba di Jisu bu ler n kelashünu di puoki chakelieuwe n la vikuo zotuo. "Nie thuo nie ngupie nie nou meyie rei hie" (Gen. 45:5). "N nou meyieta hie, tsiu noupfünouyie khawalie: mhakehoupuo nu rei mhakesuo chütuouü di n nou kenýü chü hie" (Chieli. 37:8). "Nou-

pfü-a puo zho suo, tsiu nouyie-a kernerie; sirei supuonie mia ngu urokechüu mhodzü nu thalietuo ga?" (Mhasi. 27:4). Nie nou kemeyie pete khawaliechie. (Kol. 3:8).

U melou kesuomia kekra rei zu krie mezeli di mhakesuo kechü morei u kheputuoü baya, "derei uko zu-ua tinyhü nyhübvü pfü metsie kerhu mhie zo" (Deut. 32:33). Kephouma nou-ua puo khepukechü sü puo la mouthor, derei Jihovaa u khepushüketuo-u zo. Jisua pushü, "N siezanuomia khriepie n thuo n kekhrrie mhie liechie", n ngumvümia khrieliechie, sishü. We mia kejo-ko vashü ro Jihova rei u kejoko vashütuöüchü pushüwate. Kenouniekehrü mu panyaparakechü nou-u Jihovaa ngu mechüya. Mhakesuo kemengu mu terhü theziepekrü nyükehrü-a themia nou baya, süla noune ketho-u bu ba chalieketuo la süu bu thenou ketho-u nunu chüparlie morosuo.

6. TINYHU-U, Tinyhü-ua Ev Eden zie nunu Jihova ze kepekro di puo nei kebau sewa di pekawate. Satan krüketa teigeidielieu-a Adam mu Ev unie Jihova ze vitsei mu Lucifer sou nu kijüpetuo pete kekha keba ngupie puo rota. We mia ngu umhi keluyakezha satan-a puo pekakewa rhülieta, sidi uko Jihova ze ungo zo di kenourhe keba kelhou-u pekawatuöü sieta.

Sükemhiekehrü kesuo-u kinu mia ngu urokechü mu mia ngu kemechü hako themia nou keba la uko mia u neiketuo mu lhou ketheguo ketuo rei ngu u rokechü mu mia ngu kemechü hako par di uthuo u peka rei pfü baya. "Mia ngu u rokechü-a mekhru kemhie puozho suothor zo" (S. Solomon. 8:6). Süu thenou-u nunu kesuo medo par di kekreamia kenciu pekawa, sidi mia dukhri reiwa liekevi chütaya. Hauha-a kiyakechüko nunu rei chü partaya. Lhitholhiüko nu mu sükemhiekehrü mhathoko nunu kengukemechu mu pu kekralie kelho nousuo vortaya. Khrista liethomia rei Jihovaa puo kituomia huomia se puo mhachükuo baketa nunu rei huoniehüo ngukemechü partaya; kekreilamonyü ukoa Jihova kekhrrie kemesau bu u tsupfü di puo kirei situotaya, "Kemesa Ruopfüu thuo Jihova kekhrrie rupie unou

shūwate” si moukechū siewe Jihova uko se mhachū keba sūsū-a kengukemvū kesuo ruopfūu bu bata lievikechū la.

7. GURŪNUO, puoa rūnyo chū baya, hauha puocha liro themia u chaho kesuo kephouma-u dze mu shūkeiraka kemehou kesuo bode-u rūli thashū. (1 Tim. 6:10). Congo (Africa) nu Gurūnuo kropuo khunuoko techūchū di uko vadi pfphawa di siata kemochie chū bayakechū kropuo baya. Mha mehoyakezhamia-a ket-sopfū mu kejūmia khruohishū tuoūkechū chūnyūya mo, derei puo thuo dietho rei dietho mo rei kijū kinyiu pralieketuo pfū thehie chūtuoya; sūsū shūlhe mu mouthie bu chū pejūwayakezha vie zo. Jisua pushū, “Shū-lhe mu mouthie bu chū pejūwayakezha mu kerūgumia rei rhielie di rūgulieyakezha kijū nu nie kinyi kengu hiechie: sikechkūu monyū shūlhe rei morei mhouthie rei chū pejūwa liekelho mu kerūgumia rei rhielie di rūgu liekelho teigiennu nie kinyi kengu liechie. Mhakekreilamo nyū n kinyi kebara n nou rei sūnu ba zotuokechū la. U mo mita sū u mhi zo: sūla u mhi vi ba ro, n mo pete zie-puoi batuo” (Mt. 6:19-22). Akhan mu puo kikruko petē kate, kekreilamonyū puoa suna, raka tsiu ketsie puoma kerepfū mu pfe sūko khrieketa la. (Josh. 7). Iskariot Judas Jisua pethakelieu rei raka mehoyakechū la puo Niepuu mu puo kepethau tepie mia dzie nu shūwate. Raka-u morei suna-u vi mo ichūu rei mo, derei themia nounu sūu mehoyakechū kepar-u lanu zo.

Seyie kekreikreikechū nu keba phichū nhichu themia nyenyiekechū theza kezha kemeyie mehoyakechū mu kheli mu rūzhūko chū di raka kinyi pfūtuō di puo kelhou zomonyū puo kikru pete rei pekakewa nyi phiya. Kemezhieshu mo di mhanyilie nyūkechū kemengu-a u bu rūgu mu dukhri rei zo vo di n bu kerūchakhri rei tatuo. Shūkeiraka kemehou mu u meda kesuo ha puo khrietho ba phi, hakemhiko:- theza puo kepfū, kekuo, kijūu kitsatie mia mho di nyūkechu kejūmia ki rei priesa khruochu nyūkechu, nanyū kitsatie kekuo se kenyū, Jihova la mo di puo kehoyakechū zakro-u la therhie chūkechu, mia puo Khrista mezi

ketho chü di puo (themia süu) kehou nu vo silieyakemoko pejokechü. (Mk. 9:38). Jisua pushü, “Nieko menuolie-luo, tsiu mha kemehou kheko nunu nieko kethieluo; mhakekreilamonyü themia kelhou ha puo kinyi kekra keba la rei balieya mo zokechü la” (Lk. 12:15). Mhalekemo kenymia puo dze hakemhie di pushü; “Kenymia puopuo lie nu puo mhatho si rüchü philie; sitse puo thuo puo nounu puo rüchü di sie, A mhathoko pfü pfü vor mharapuorei shükemie jütemu, a kedipuo chütuo dimu? si ba di sie, A hau chütie, a lhakiko rhulie di chü pezhaltetuo, mu sünu a telhako mu a vie pete shülietuo sidi a a ruopfü üse, A ruopfü no ba cha philiketuo mha kevi neiüko kenguliete; mha chü mha lie hie di rüü di chü mu krie di keyu kenyü chü ba zolie. Si ba ru, Jihova sie puo üse, Harie mhalekemo-u tsiezü n geinu n ruopfü zelieta tuo, sita liro mha kengupie kezhüko süko supuo vie chütatuo ga? si. Themia keh-oupuorei Jihova kitsatie mha kenye le mo di puo thuo puo vie rübei kenguyakezhama sümhie zotuo sita. (Lk 12:16-21). “Siro supuonie kijü pete pralie zo rei puo kerheiro p-jüwa liro puo kemevi kedipuo ba ga? (Mk. 8:36.) “Nieko tsiedo kelhou hau la kechücha rüliko morei nieko mo-u la pfe meneiko rü'i le pie nieko nou kemezhie chü hie...derei nieko Jihova bu kedikechü pfü perieliechie, silieliro kekreiko rei khapie nieko tsü sashütuo... Mhakekreilamonyü nie kinyi kebara nie nou rei sünu ba zotuechü la” (Lk. 12:22-34).

8. SATAN, medayo kezhako mu kechürü ko krüu zo, kephouma shüko chüshüakezhau, themia nou diyakezhau. Jisua pu, “Nieko nieko puou satan kinunu zo, mu nieko puo neiko chünyüya. Puo sietse nu mia kedukhrimiap uo, mu puo nu ketho jükechü la puo ketho nu thaya mo. Puo ketijü pukiesie ki puo thuo puo kinunu pu parya; mhakekreilamonyü puo kechürümia mu kechürü krüu zokchü la’ (Jn. 8:44). Kameda kechüyo-a kezhau ze ketou zo. Ketijü kameda ha pu reiya, thu rei piezhüya mu chü rei tuoya zo. Ketherakezhau-a kemedamia morei ketijümia puo zo, kekreilamonyü puo kelhou-a puo kepuu mhietuoya kemo la. Jihova morei Khristanmia puoa

tijütalie kenjü. (Tit. 1:2). "We puo zo kekrothoya ükechü puya di kezei nu tuoya liro we tijü tuoya mu ketho-u chüü zeya mo" (1 Jn. 1:6). "Chazoutsa tefüko mu themouko mu pierüü kechüko, mu kedukhriko mu miarhi kertüsuoko mu ketijü mu tijükechü u neiyakezha pedekejüko batuo" (Pesik. 22:15). "Jihovaa kekrükechü mu kemedä zhapu ngumechüya" (Mhasi. 6:19).

9. THEMVÜ-U, themia nounu mhapu u rüchü bayakezhau pu ba. Hauha uthuo unei u nyü chü di kephouma chü mu phoumakewa sie rei phouma lalatuoketa sie hau bu mhalelie mo mu kebvükerükechü noule-u bata di puo thou puo tho-u rei letoulie kenjütaya. (hakemhie di perhuwaya). Sidi noule kesuo hau kesuo hau huokipuowe kemekriezei rei zoketa chütaya, mu huokipuowe unou kemezhiekehrü rei chütaya, sidi huoki uthuo u le pejo mu huoki uthuo u le kemezhü ibataya. Süsü thezhü thepie puo melou vüwaketä-u mhieta zo, süsü puo bu mhalelie kemo chü di puo kepele rei khawaketa chütaya, tsiu u seketseikezha ruopfüko mu terhuo kerüzhüko se di mia petha kesie dieko rünyü nyütatuo, siro kethera di die pu sieta tuo. (1Tim. 4:1,2; Ibr. 10:22).

10. THEMHI-U, Jihovaa mha pete nguyakechü la thenou-u rei nguya. Puo mhi miü kemhiekehrü nu nu mhapuorei bu rüshülie kenjü, puoa kepekhre nunu mhaleyakezha noudo (melou-u) rei ngu phre baya, No teizeitho nunu mhatho kerüzhü chü ba shierei morei ketsa kezeitho nunu morei thekhie kesou puo nunu chü ba rei morei kehourapuo ba rei Jihovaa ngu phre ba zo. (Miarhi nu rhipie keba mhiu-a themia zie gei mhi-u rhi thashü ba zo).

11. U MEÜ MI KECHÜYO, u melou-u khieki keba Jihova kekhrie thashü, siro kephouma rei puo houpfü ba. Jihovaa kephouma ngumechü zoshierei puo themiako khrie zo, sirei Puo kephoumamia puo kesia mengu mo, derei puo bu thenoukedilie di rheilie nyüya.

Jisua kephoumako kelalieketuo la vor. Siro kepho-

umamia puo thenoukedikelie la teigei rei u nei phi baya. Umeü kechüyo ha pie Jisu Khrista zie-u rei ze kemejüshü lievi, "Jihova Kuonuou kijü kephouma chü setaketuo-u".

12. TEIGEIDIELIEU, hau Jihova dieu mese. Jihovaa mia seyakezhako, kephouma pie pfüketuo thenu rei theptü rei, puo bu thenoukedilie di Jihova kekhrice kezieu bu puo nou vorlieketuo thashü.


13. MEKHRU-U, hauha Kemesa Ruopfü bu u gei bakelie zasi, ketho ruopfüu-a kephouma mu kemia-tho tsiu mia ketsokechü thashüya. Kemesa Ruopfüu themia melou khie keba thashü. Süu-a kephouma bu di keba nou-u nu lelieya mo.

Miarhi hau nunu thakeshüko n melou-u nu keba räliu thashü ba mo ma? Niepuu bu puo die kezieu pie n nou va pezieshülieketuo la puo ki kra zo di chashüliechie. "Niepu Jisu Khrista pelelie, siro no kelakelie ngilietuo" Jihovaa n nou chükedishütuouükechü mu ruopfü kesa puo pie n nou shütuoükechü pushüte, mu Puaa khashü nyü bei ba zo. Hauha miarhi kenieu nunu thashüte.

MIARHI KENIEU

Miarhi hau-a miapuo thenoukedilie di Jihova pfü kezü thashü ba. Teigeidielieu zhiecha puo se tha, Jihova dieu, süu kerhei mu puo kekuo kenye die, zhiecha puo ü lutsahatsa kechü kerei puo ü vikuo; mu unou mu u ruopfü ze khropfü u kere u keleiko nu rei vo di ze kho kekreiwa lievi; mu uko noudoko rei we chü nyü kebako rei kese di silieya. (Ibr. 4:12). Jihova die u ki pushükechü, "kephouma zhakhra sü kesia zo" si, "themia bu vapuo sia di süsie ketsokechü vortuoüwata" (Ibr. 9:27). Kephomako mu pele kemvüko yau sü mitsie mu mitu kezü zieu nunu ngulietuo.


Kekreipuo liro teigeidielieu-a mia tsütsoru puo se tha. Hauha kephomako ki pesishükechü we khunhie puo sia phre zoketuo thashü. We umo-u khrie, pfe pie



2. The Convicted and Yielding Heart

whe kezivi. puo vachü mu chü kezivi siro u terü chü di süu theke mu sü umenguko chü ituoyakezhau khunhiewe siata di rieta tuo, si di puo khuko thuo puo chülietatu; sirei u ruopfü mu u kerheiro-uwe kechachie rhei batuo. sidi khunhie puowe vo Jihova mia dienia kechüketuo-u mhodzü nu tha peto zotuo.

Haki kephoumamia puo Jihova die rünyü puo terü chü keba mu puo nou rei khrüpie Jihova kekhrie nu shülie ba- ket angulie. Kemesa Ruopfüu tsiewe kephouma-u nou kez- eiu va pezie shütazhie. Jihova kezieu puo nou rüsuokiu nu le di kezeiu whuowatazhie. Jihova kezieu puo nou lerke- lie ki kezeiu tuotaya. Kephouma-khunuo kekrekreikechü- ko pie thashü bekechüko bu taphreta morosuo. Süla hau phrüyakezha kekhrieko, Jisu kiju kezieu bu n nou lerlie di kezei mu kezei mhathoko bu n nounu prataliechie, miarhi nu thakeshü kemhie: Jisua pushü, “A kijü kezieu zo, themia kehouporei a siemedzikezhamia kezei nu rühou lielho” (Jn. 8: 12). No mhakipuorei themia mhasi, themia do kevi morei n thuo n kekuo se di n nou keba kezeiu whuowalie kenjü zo. Derei kertüütho mu kezitho siro chütouwalie keviu sü Jisu bu n nou lerkelie ze n nou keba kephouma kezei tuotatu. Khrü mu themvüko ha huokipuo kezei nu kebako la u va pezie mu u khruohi zashü lievi, derei niaki thuparketa sie, kezeiu kezie kechüko ba sa motaya. Jisua kemiatho Nuo-u zo. Puo Jirusalem rüsuokiu nu kele ki puoa mithu, tekuo, mekhru hako ze kebako whuowa mu priesa keli kebako rei phou pelawa, sidi hakemhie di puta. “A ki üse kecha ki chütuo” isikechü thupie zhü zo; derei nieko hau üse mia vie sekechüko ki chu bate ha” sita. (Mt. 21:13). N nou-a pie se Jihova kü Jihova rüsuoki chütuoü di rhü se tüota zo. Kekreilamony, puo sünu balie di süu chü kezivi, chü kemesa, mu puo kezie pie süu tsulie nyüya. Jisu u kephoumako vashüketuo rübei la vor mo, derei puo u khatsei-shütuoümu kephouma di keba kekuo-u nunu u rha rei salietuoü vor zo. Themia Nuo-u (Jisu) nieko khashü ro nie kha ketho chüshüta tuo” (Jn. 8: 36)



3. The Repenting Heart

MIARHI SEU

Miarhi hauha kephoumamia puo thenouked; ketho chükelie rüli thapie ba. Jisu krus geinu puo kephouma la siakeshü ngukelie sie puo tsiewe puo kephouma kemeriekehrü mu suothorkehrüko nguliete. Krus-u mu teigeidie lieu, Jihova dieu-a puo pengukeshü ki, süu puo nou the zoshüliete. süla puo tsiewe puo kephouma krathor tuoketako silie di puo nou suo ketho chülie bate. Jihova kekhrie kezhatho-u sü Jisu Khrista geinu thakeshü ngushü tse puo nou mezhiethorliete. Pete ki rei puo Jisü Khrista Jihova Nuo-u, vor puo kephoumako chüseta tuoü mu Puo nei zo di puo sou nu rüsekewa seu geinu siakeshü siliete.

Jisu mia bu kero pie puo vükeshü, zohu tsüre pei puo tsu geikeshü. gojal kemerie zokechüko pie puo pih dzie zhiekeshü mu u kephoumako la, Puo bu krus geinu siakeshüko sü puocha ketho-u nu le vo ro sügeinu thenoukedikelie kephouma-u ze kinu vorlieya, sidi puo kelhou mu puo nou chükesalictaya. Püo hakemhie di Jihova die phrü kevo nu Jihova dieu-a puo la khrüva puo kemhie di sünunu puo thuo puo rüli ngulie bate, sidi puo kedithede puo Jihova ze kepechie mu puo zhoko rei varho ituote shiekehrü sikechülietazhie. Jihova kitsatie la puonou suothor zokechüu-a puo ketsu chülieta, puo puo nou-u sü ru zopie Jihova mhodzü nu shüshü di kra zolietse metha Jisua tuo penuo vorlie. "Jisu Khrista zieu-a u kphoumako nunu u chükemesashüya" ükehrü silietse metha Jihova kekhrie mu Puo noune-u sü puo uou lerta. (1 Jn. 1: 7)

"Jihovaa themia unou mezhieketuomia peuo baya, tsiu u kephouma la unou kemezhiiekebamia kelashüya" (Chieli. 34: 18). Jihova die-a hakemhie di shieshüya "Themia A die si di pe bakeliemia tsiu ruopfü kitsatie mhajü mu thenou mezhiekeliemia, A themia süu meholie-tuo" isiya. (Isa. 66: 2). Kemesa Ruopfüu-a pesi di Jisu Khrista dieu pie puo ki pushüya. "Thenupfü shierei thepfu shierei nie neiliechie, n kephoumako vashüwate ho." Puoja Jisu zieu pekrukeshü mu krus-u meho ketha ki, mha süko pete rei puo la chüshü mu puo kephouma pieu sü chüseta ükehrü silie,kekreamonyü Jisua unousuoko mu

uthekesuoko pete toupfüliete; süsü "We puo zho kevarhuoko la puo bu u la rüzapfüliete mu we kesuokechüko la mia bu puo vüshü, süsü Niepuu-a we mha kesuo kechüko pie puo thuo toupfülieketa la zo." (Isa. 53:-)

Thenou kemesau nu Jihova kekhrie mu Kemesa Ruopfüu thuo le balieta. Puo kepele nunu Jisu krus-u meholie, mu puo kephoumako vashüketa silietse Jihova Nuo-u Jisu sü puo kephoumako nunu puo chü kemsatseishüwaketa sitovliete. (1 Jn. 1: 7). Puo tsiewe themia kehouporei Jisu pelekeliu bu katjüta lielho, derei kechachie kerhei ngulieketuo sitouliete. (Jn. 3: 16). Puo Khrieu (Jisu) la puo u ngumezhiethoryakezha mu uko puo zie uko rhalie di u kejo kemouko vakelie ngulie. (Efe. 1: 7). chütu mo mengu kephouma-u sü tsiewe Jihova la lhoutuöchü mu puolie chü tuöchü mengu bate, süsü "Puo u khrie rieketau zo". Kijüu mu kijü vieko khrie keba mese nu, Puo Jihova rei mu Jihova vieko rei khrielieta.

Süla miarhi hanu kebako ha, khunuokoa kephouma sou chü keba ngulie, derei tsiewe puo melou khie prate, satan-a puo kebachü kerieu khashü nyü mo di rüri la vo lalielieketuo cha meho tha zoshieri. Hakemhie bakechü la Niepu Jisua uko bu pfe mu cha balie mu terhuo kesuo-u mese chüwalie siro puo ta nie therütatuo sishü.

MIARHI DIAU

Miarhi hauha Khristanmia puoa U Niepuu u Kelakeliu Jisu Khrista u la ruosho chükeshü geinu nounge-u ngutseilie keba thashü, süla puo mhapuo nu rei nu kemiako kemelhakelie jüte, Jisu Khrista mu krus-u puo kelakelie sie, süsü puo mhodzükiwe kijü rüyako pie krus geinu gouwate, mu kijü hau kitsatie rei a khapie krus geinu gouwate (Gal. 6: 14). Jisua krus geinu siakeshü süu we rei sa kephouma kitsatie siata di kemiatho kistatie rheituolieketuo la. (1Pt. 2: 24). Khristanmia puoa kijüu kijüu kijüu kitsatie menguko pie krus geinu gouwate. U bu Ruopfüu zetuolie, derei uchü uphouu-a kemenguko chü hienushü. (Gal. 5: 16, 25).


Uko chotou puo geinu Jisu pie phalie di puo pfe mho nu puo vükeshüü sü, hanu themia melou-u pie mejüshü ba, sizomonyü mia bu seiro pie Puo kewhi (kepfü) kernerie chükesüu rei sa zo. U kephoumako la mu we kechü pfülieketuoko la rei sa pie mia bu puo vüwate. Uko suna tsüre pie puo tsü gei keshü mese nu zohu tsüre puo pie puo tsü gei ze keteshü, sidi uko nuke tsu puo kelushü die puo kre di dziezhü shü pie puo vü lashü. Uko hakemhie di puo kre mu puo bie kethengakeshü sie rei puo gouwanu di ketseshüwata.

Kethezakechü Khristanmia kekra rei kehoki nuwe kecha chüya, Niepuu kerükra cha kechü nu rei chütuoya, siro Jihova ketse tsaliko rei chütuoya, sirei uko mhatho kesuoko, süko uko Niepuu gou mu gou lashüsho seituoya zo. “A üse Niepu, Niepu, iyakezha kheko teigei kedi nu liephre lielho; derei themia kehoupouerei teigei keba A Puo-u medo chüyakezhau zotuo” (Mt. 7:21-27).

Miarhi hanu Judas priesabou puo rei ngulie, puo raka ser nu puo Niepu Jisu tepie zeliete, kekreamoü puo priesa mehoukechüu-a puo nou tsüpfülietakechü la puo nou zeita. Mibou, thezhüro hakemhieko ha pezlei ze Jisu te ze vo kedieki nu shüwaketuo zhü se phre. (Jihova dieu chütseilieketuoko la chütseilieketuoko la chüpahiko Jisu pfeko pie chithi kheli chükechü ki rüzhü (dice) ükechü puo chü. Uko uko donunu a pfeneiko kezalie tsiu a boulie pie se chithi kelipfü chü” (Chieli. 22:18). Ukoa Jisu gei mha ketuo peteko chülieta, derei Puowe meliewate, sidi hakemhie puta, “Hie themia hau bu hie mho di lielho” sita.

Themia ha kekratsa rei Jihova kinunu we Puo thejako lie nyüya, tei perükeshüko mu niaki pethukeshü hakemhieko, derei Jihova buwe uko kekha zolie di lhou nyükechü süu chüshü nyüya mo. Themia kekratsa khre rei, puo ketsopfü ki mu puo kemerü jükelie ki rübei Jihovaa puo la kevi rübei chütuote.

Chüpahiko rüngu pie puo zochü nu zeshü mu sünu nu thezie dzü kemhie zo di krupar (Jn. 19:33-37). Thevü kekhou mhodzü Pitor-a vase Jisu phra mvüta, derei kenuotsatie nu kra zo di puo nou kedi lalie. No Jihova Die la



4

4. Crucified with Christ

rei mu Puo mhathoko se di Jisu phralieya mo? Mo, no themia mhodzü nu sükemhiekehrü chü mengaya ga? Jisua pushü, "Süla themia kehoupouerei themia mhodzü ki a za pie pu liro, a rei teigei keba A Puo kengu ki duo za pie putuo. Derei themia kehoupouerei themia mhodzü nu a za pie pu mvü liro, a rei teigei keba a Puo mhodzü nu puo za pie pu lielho" (Mt. 10:37-33).

Jisua pu lashükehrü, "Mu themia kehoupouerei puo thuo puo krus pie di a siemedzi moro a themia chü sü mo" (Mt. 10:38). Themia kehoupouerei Tsielie-u (Jisu Khrista) gei thakeliemia ruokuothomia zo!

"Jisu Khrista, a Niepu
Themiake Kelakeliu.
No krus gei n gouchü ki,
A phousou chü di siawe.
No n zie bu kru par di,
Süu se a khrüwate"

MIARHI PENGUU

Miarhi hau-a Jihova kekhrie ngukemezhie-u thuo kephoumama puo kelalie di puo chü kemesalieketa rüli thapie kie ba. Süu Niepu Jisu Khrista-a pukeshü kemhie, puo nouu-a pie Puo-u Nuo-u mu Kemesa Ruopfüu rüsuoki ketho puo chüliete. Jisu lasie, puo ki, "Themia kehoupouerei a khrie ro, puo a die zetuo: siro a Puo sümia khrietuo, sidi hienie süu ki vor di süu ze batuo"

(Jn. 14:23).

Jihovaa Jisu Khrista geinu japie mia u rhuya kemoko tsü, mu süko chü pezhashüte. (Lk. 1.52).

Themia melouu sü tsiewe Jihova rüsuoki ketho puo chüliete. Kephouma-u whuowate. Kechürüko krüu mu satan bu khunuo kekrekreikekehrü pie themia nouu khapfü keba sou nu tsiewe Ketho Ruopfüu Kemesa Ruopfüu bu süu piebapfü balieketa nguliete. Ngumechü zoketa kephouma-u ba chü keba mese nu tsiewe zievi parliete, puo si vü parliete. Kemesa Ruopfüu siu hakemhiekehrü vü parlie bate:- kekhrie; "kekhrie, uneikekehrü, kezekevi, unou chakekehrü, mia ngukemezhie, uzho kevi,

kediotho, kokemo, ukethekerekochü” hakemhiekehrüko Jihova rei mu themia nei rei chülieya. Puo tsiewe Niepu Jisu khubebo botho-u geinu puocho puo chü di puo si välie bate mu puo dieko puo nou baya. (Jn. 15:1-10). Puo Kemesa Ruopfu pie puo baptaiz chülie di puo tsupfütuoketa la uchü uphou-u mu süu-a kemenguko sa pie themia keweü sa gouwate. Kemesa Ruopfü kekuo-u se di puo Ruopfüu chatha nu tuokelie mu chüü mo-ua kemenguko rei sa penyü lievite. Puo tsiewe mha kenguko mu rünyülieya kezhako rübei se di lhou sa lielhote, derei Jisu Khrista kepele geinu puo kijüü mho kuolie zotuo. Niepu Jisüa zapuzayie chü zo di mhai vortaketuo penuo baketau le pie puo chü kemetei se di merütoupfü bate. Puo Jihova kekhrise-u kechachie bayakezhau nunu lhou tuote.

Unou kemesako ruokotho, kekreilamonyü süko Jihova ngu zotuokechü la” (Mt. 5: 8). David kediu-a puo kinyiko mu puo ngumvüko pete mho kuolieta zoshierei puo la terhü keretho-u sü puo thuo puo nou-u ükechü si, sidi puo thenoumia-u la se morokesuo sidi kecha chüta “A melou chükesashüchie. hei, a Jihova, tsü a nou bu puotoulieketuo chüshüchie” (Cnieli. 51: 10). Miapuorei puo thuo puo nou chükemesalie kenjü, morei chükesalie kenjü David-a chüeklie kemhie thenoukedi toulie di Jihova bu puo nou chükesashünu di chakelie kemhie chülie kemosie Jihovaa n kelhou gei mha kesa puo chüshünyü se ba. N kemiatho pfekrapfenyie terhü kesapie kaba kemiheko mu n die kemethuoko (diechodieruoko) phrakeshükoa n nou. chüpie Jihova bu le balieketuo mhakipuorei chülie kenju zo. Puo n khruohistü nyüthor ba zo, kekreilamoas Pno pushükechü, “Süsie a dzü kemesa kegiepie n vashütuo sitse no mesalietuo: no mesa moketa peteko nunumu no terhuorhi kese peteko nunu a n chü kemesashütuo. Thenou kesa puo rei khapie n tsüshütuo mu ruopfü kesa puori peru pie u nou shüshütuo: sidi a n nuo ketsie kemhie khru tuoketa n chüu geinu chüwata tuo, sidi a n chüü melou puo khashütuo. Sidi a aruopfü rupie sie nieko donu shüshütuo, sitse nieko a medoko nu tuolietuo, süsie nieko a dieko chü mu ze tuolietuo. (Ezek. 36:25-27). Hauha

Ketholeshü kesau nu Jihovaa Puo Nuou Jisu Khrista zie pie u gei mohor vülieketa cha-u pu ba zo.


Miarhi hau nu teigeidieliemia puo lapar ketha ngu lalie. Teigeidieliemia ha themia kehoupourei kechachie kerhei uya ngulieketako rüguolieya, mu Jihova khrüprei- ketuoko houpfü baya. (Chieli. 34:7; 91:11; Dan-6: 22; Mt. 2: 13; 13:19; 18:10; Mhak. 5:19; 12:7-10).

Terhuokesuo-u rei miarhi hau nu ketha ngu lalie, themia melou-u penuoteipfü tha, thiedzü puo kebachüu nu lalielie nyü di puo cha pfü thakechü ngulie. Süla uko ngumvüu satan-a Losha keruo tuo di themia kehoupourei techülie keviu techülie tuo di rühou kho mu ke tuoketa la, uko bu pfe mu cha ba zolienu kechü pushü. (1Pt. 5:8). Tsiemelie puo kezie chüpie teigeidieliemia kemhielieya, sidi kijüu menguko mu sükemhiekö pie kecha chüya kemoko se ketseilieya, hakemhie di chü lievi-kechüsiewe kedakeliekö rei seketseilietaya. Sizöüshierei, we kesuo-u mese chüwa liro puo ta u thertatuo.

(Jakob. 4: 7)

MIARHI SOROU-U

Hauha kepelemia puo tsiesieta di thenou kemezhi-ekethamia puo. Puo mhi tietsala puo mhimielieta tuoüz- hie, süsü puo Khristan kelhou nu lhou mu zetsuta tuo- üzhükechü zasi puo zo, derei puo mhi kekreibawe menga rei mo zo di lutsahatsa mha meho rhorhüpfü tha zo, kijüu ze khrietho chu bate. Puo nou keba kezieu zeitaz- hie, mu puo melou-u Khrista la kemezhi rei mechüya kemo-u tsiewe süu tsata di mezhü mo thate. Medo kep- hiko puo houpfü bate. Puo Jihova pfe rünyükelie mese nu tsiewe medokephi puo ki kevor-u mu süu die kemethuo zokechüko rünyü bate. Themvü puo puo nou kebau (puo noule keviu) rei zeitazhie. Puo krus-u pie maido puo rei volieya mote, sikechüu monyü süü pie rei mvü tuote, derei süu puo la thepie kemesi puo chüte. Puo kepele rei kenoudo bate, puo tsiewe kecha nunu Jihova kerüchü kenupukechüu rei ba sa motazhie, puo nou kebau ruli le mo kevavokhrü zo di dophiu bunu chazou meng- uko se le puo nou tsulietazhie. Kepelemia ze di puo nei




5. The Temple of God

kebau monyü kiju nu kerüyo khriethoko ze di puo nei kebau le puo neikuo bate.

Rüüpfüu kemiakokehü thashü, mu süu süu rei puo nou letazhie. Ngukemezhie nunu puo kelalie ükechü rei puo tsiewe rükra moto zo bata lievite, sidi kemiakokechü Khristanmia puo chü tuote. kemeze-a puo kikha ki ketou di lelieketuo cha pfü thate. Kerüyo (kijüü) khriethoko ze kepekrokechü sü puo la kevitho chü ba lievi, süüstü puo thuo puo üse themia puo rhi kekrei puo to ükechü rei leshü nyü moketa lo, terhuokesuou-a puo ki pukeshu la tsiewe mha hako la puo ruopfü kelhou-u bie pesuowa lie-lho üdi lekechü nunu puo bie kethachü se tuote. Chüümo-u kele mu süu menguko sü puo rei si ba. Sirei puo tsiewe mesa kemo keyuko rei mu mesa kemo miarhiko rei meho-kechü puo nei tuote nhie, sidi mesa kemo kelhou kro-u ze kepezakechü puo nei, mu kesuou-a puo hükeshü la kesuo kesako chü mu kephoumako rei üse kephouma ütuo mote.

Ketho zo, kesuo ruopfü pera süu mu unoule kerü-zhüu-a pruo ütsü mho vor ro we süuwe therhiekelié jü, derei we süu bu ler di puo bu u gei balie di udziéki nuoko donu nu puo kru chü zota ro we süuwe kekrüte, puo si zo ba di kenuotsa n dzie pete-u teshülieta tuo, süu n ruopfü mu n kerheiro shüta ze vo kechachie mizieu nu shüwata zotuo. Süla Jihovaa u ki pu kemechieshüke-chü, u bu u khriesa ki menguko nunu u kethelie, sidi ke-phouma ze rüzhü molie, puo thuo kehoupuo rhi chüpfü vor zoshierei mhapuorei mo, Ta Jisu ki vorlie, u kela-kelieu mu Kuokelie-u sü Puo zo.

Miarhi hanu miapuoa kotari puo pie puo melou nu zes-hühükechü ngulie, süu liro Khristanmia nanyüu krenyü mu petsouyakezhau thashü ba zo. Uko meü nunu ker-üzhü dieko mu uko tie nunu uko kreyakezha süu Khris-tanmiako melou bie kerüzawaya, sidi puo nou bie ken-oudowa di puo bu rheilie kenjükechu chüshütaya. Sidi Puo Jihova preikelie mese themiako puo kre puo thak-etako le di themia prei di Jihova ze kepechie miemietaya. Noupfü mu unouyie kesuokoa kemezhiekelié teiki mu



6. The Tempted and Divided Heart

thenoukesuo tei vorlitse uko thuo sükemhie di dophiu nu letaya.. Tinyhü kemhie mia ngu u rokechü, hauwe mia puo ki vi mu kuolie batatse parya, mu hauha sidi kenuotsawe mia ngukemechü mu kemiakokechü süu thuo tsupfü zolietaya.


Priesa kemehou ha rüü se di u nou ler mhataya, we u Niepu Jisu dieu, “Nieko pfe mu la ba zoliechie” (Mt. 26:41), ikeshüu se u terü chü balie kemosie. “Süla themia kehoupuorei thalie ükechü medokezhau bu tetsuta rei si lielhomu menuoliechie” (1 Korin. 10:12). We Jihova rün-ye peteko chüpfülie morosuo, süüsü kesuo-u ze keperhie tha lieviketuo la. (Efe. 6:11-18)

MIARHI THENIAU

Miarhi hau Khristanmia puo tsiesie laketa mu bakechü nou-u thashü, puo rei puo dzü kezie ngulie mu teigei mhaphruoko rei metha mu Kemesa Ruopfüu rei mia ze vierhie chü, sidi puo krüte. Süsie rei puo “Dieliekviu” rei silie, sizoshierei mhakipuorei thenoukedilie moketa mu puo nou pie Ukepenuopfü rei tsülie moketa thashü ba. Miapuo Jihova puo rüchükeshu ki puo nou retayakezhau-a puo thuo doneiü chü ba zorei suokechü-miemiekehüu moro saya mo.

Khristanmia puo tsiesieketa, Jisua hækemhie di pushü, “Mesakemo ruopfüa themiau nunu praketa ki puo kerülei ba pfü di tuo se dzü kejüko nu voya mu ngulie kemo la puo thuo puo üse, A thiedzü ba di tuo praketa a kiu nu la votatuo; si tuoya. Süsie puo sünu vo di ki süu tsopie ketso kezivi pie keba ngulieya. Sidi vo puo ki rei u rüzhü kesuo ruopfü kekrei thenia ze puo salie di uko keze ki süu nu le di bataya, siro themia süu rülei kenuotsa keriehtotsa ki suokuotaya” sishü. (Lk.11:24-26). Süko dze huomia, “Tefü merüshu di puo thuo puo merü chu lakechü, mu vokrü puo khrü kemesashü rei la le phuo buoya” üdi pu tuoyakezha mhietouta zo. (2 Pt. 2:22).

Kethodie hako nunu tsiesieketa Khrist'anmia puo morei thenoukedilie kemokephoumambia puo kelhou rüli thatoushü bata zo. kephouma-ua sükemhie di thenou süu



7. The Backslider's Heart

nu la leleietuoü di mia se doneiü chü tuota zo. Puo zieu geinu zorei thashü bate, puo kelhou rüli peteko thashü mu vatsashüwate. Derei Kemesa Rnopfüu, mekhru kemhie puo zho keviu bu puo kekhalie ro süuwe kevitho tuo.

Kephouma mu Kemesa Ruopfü unie keze ba puo nu balie kenju zo. Mia puo nounu satan rüzhö Chüu mu Jihova kerüsuo ki chü keduolie suo. Teigeidielieu, puocha Jihova dieu, puo nou suo se di tuotatuozhie zorei, rüri la vo themiau-a jüketa nuoyo kemhie di thenoukedi lavorlietuo nhie di merü puo meho tha zo. "Puo sünunu thevo cha phieko rei chü nyü sie pfü ba, derei miapuorei khapie puo tsü mo. Si ba di kenuo sie puo thuo puo rüchü di, A sie di tuo la a puo ki votuo, sidi hakemhie pu la zotuo, "A Puo a n mhodzü nu rei mu teigeiu mhodzü nu rei mu teigeiu mhodzü nu rei phoumawate, sidi n bu a ü n nuo ükechu rei kielie sü mote" sishü. (Lk 15:26). Puo puou-a ratsa nu puo nuo sü thenoukedi vortazhükechü ngu di puo kejo vashü, mu puo chü pevitsei zoshüwate.

Miarhi haunu keba melou-ua thenoukedi ketho chükellie mu rüri la Jihova ki vorkellie, mu Jisu phi nunu puo kejo kemouko vashünukechü zasi puo rei thapie ba mote. Derei puo melou-ua thezhü thepie kehara pie zhü di pie the pie kemekrie zokewa mhiete. Puo nyie ba, derei Jisu puo rüchü ketha pfe rei silie ba mote. Puo mhi ba, derei mizie thekhe kesou süsus puo phikhro ki nu kemerie chüpfü keba rei ngulie kenju bate. Puo tsiewe kephouma nu ba zorei su rei le pie mengalie ba mote. Satan-a vor di kedi chütatuouü bate. Sidi puo chazou mhinguuwe ketso kezivi pie kemelha zo di therhu kepfümia puo kemhie zo ba lievi, morei nanyü tsatie kevimia puo rhi va zokechü, mekhru nyhü pekrapie keba kemhie, "derei thenoutsatiewe kesiamia ruko mu mesa kemoko thuo tsüpfü zhü zo" (Mt. 23: 27).

Kechürü krüu-a vor ketho Ruopfüu ba pie baliete. Khunuo pete, kephouma petekoa kesou ruopfü mesa kemotho kropuo chü di vo puo nou baliete. Puo hakoha bu puo pechü mo di puo nei bo nyü ba zo rei vor di phaliete.

“Themia kehouporei thiedzü Mosa zho üse kemethuo kemeruo puo chü ro, mia kenie kese die lanu zo rei puo ngumezhie mo zo di puo bu siaya. Siro nieko thuo le phichie, themia kehouporei Jihova Nuou pie puo phi khro shü di kede siro thezie pie chü kemesalie di dietse-idie-khokelieu rei üse mesakemo puo mhieta mu ngeuke-mezhie Ruopfüu rei thiketamia sü ki rei puo siazha rek uokechü nguliezhö zo motuö ma ? (Ibr. 10: 28, 29; 2 Pt. 1: 14).

A kekhrie kezeu, n nou rei miarhi hauha rhi kem-hie ba mo nyü ? siliro menuota hie zo di Jihova ki kra zo di chashüliechie. “Puo sü puo thela ketso u kelatseish-ülie keviu zo,” u kephoumako rei vashü nyü mu vashü-lievi ba zo, noa ketho chü di n nou kedí vorkelie sie. Noa puo bu n nou ler nyü ketho chü ba liro Puoa a nounu terhuo kesuoko mu puo dielieko sa di kelhoupie kezei nu shüwa lievi ba zo. Lepra kechüu Jisu ki kevor mhie di vorliechie, “No n medo liro a chu keshürhoshü zotuo” sita. Jisu sie puo ki, “A medowe, n kechü bu vil-iechie” sita (Mk. 1:40,41). Derei no n thuo n nou chü pere zo se tuotakechü sie, sidi kezieu kinu rei kezeiu khr-ieküota ro, n la kemerü ba sa mote, kekhrüohi rei ba mo, kekreibamonyü noa kerheiu mo di kesiau kedaliequeta la, “kephouma zhakhra sü kesia zo” (Rom. 6:23).

MIARHI THETHAU


Hanu thenou khrü se zoketa kephoumamiapuo puo kesiau penuo votazhökechü nguie, puo mo-a chü zo mu puo ruopfü-a kesia michie se bata mechiete. Kesia (ru-u) süua le ba kemo kemerü puo mu vo nyü kemo tei puo-nu votazhie. Puo se pie kephouma kitsatie puo nei keba-ko sü tsiewe ba sa mote; sidi kernerie chü zokechü kesia zhakhra süsus ngulietazhökechü sitoulie bate. Thenou kesuo kernerie chü zokeba mizieu sü tsiewe puo the chie vütazhie. Puo tsiewe kecha chu nyü zoshierai, puoa puo-tei kecha Jihova kekhrieu melie tuoketa la tsienu Jihova ze keze vilalieketu rei chülie kenjö takechü silie bate. Puo kekhrimia therieko su tsiewe puo zhu khieki rei tha michiete, mu uko puo nou thu kepeluo dieko zowe

puo khruohishü lielhote. Kerüzhü nunu ngukelie kinyi-koa puo kelhouzha chü pechashülie-ketuo, mu puo ruopfü kelashülieketuo puorei ba mote. Puo tsiewe süu la puo nou rüülieketuo puo rei ba mote. Puo nou khapie sie Jihova tsüshülieketu rei chülie kenjü bate, kekreila. monyü terhuokesuo-ua puo bu sikechü tei khashü moketa la.

Hadzü puoa khrieketuoko tsiu süko la lhouketuoko sü tsiewe puo kre mu puo gei dietholie mote, süsü puo kuonuoko pfeketuo thenoukedi kemoyo thuo rei puo khruohishülie kenjüte, kekreilamonyü puoa Jihova mia ngukemezhiu melie kege zowa di krü se pejokewa thezho-u khrukro lietakechü la. Puo tsiewe, "Rheituoyakezhau Jihova dzie nu letuoükechü mha kemichie se puo zo" ükechü siliete (Ibr. 10:31). Puo puo thuo puo dzeko pie Jihova ki rei pushülieketuo la puo zhü nunu rei le sie, derei tsiewe süu menuothorte. Themia nyienyiekechü sia mhaiketa nyi phi, süsü puotei puorei se di Jihova ki puo mezhiemelokelie rei chükelie tei ngulie motaya. Siatazhükechü kephouma hau sü Jihovaa mia kelakelie dieko mu puo nou thukepeluo dieko rünyü keba mese, derei puo puo kevi ki Jihova kekhrue mu ngukemezhiu meliewaketa la - puo tsiewe puo nyie kechüketuo-u pfe rübei rünyü keba zote, puoa meliewaketa Kelakelieu-a hakemhie di puo ki pute, "Nieko rüse pfüketako, nieko a kinu tuose satan mu puo dielieko la rei se kesepie keba kechachie miu un votalechie" sita (Mt. 25:41). "Siro themia bu vapuo sia di süsie ketsokechü ror, situoüwata" (Ibr. 9: 27).

MIARHI THEPFÜU

Miarhi hauha Khristanmia puoa medokephi nu rei mu puo kepechü kernerie chü zokechü kemezhiiekechüko nunu rei hie mu ge zo di kuokelie rhi thapie ba. Puo khie lutsakatsa dophi vor, sirei puo nyümvü se zo di süko penyüpfü zotha puo thela tsolie, süsü puo Jisu Khrista geinu kuokelie sie rei kuolieta zo. Puo Khristanmia ta kewhuokechüu nu kele rübei mo, derei puo puo kethekerepfü mu shügeshühepfü zo di, tsiu thezatsa morei thevitsa rei mehota mo zo di "Jisu süsü u k-pele chütseishüyakezhau meho zovoliete" (Ibr. 12: 2).



8. The Sinner's Doom

Satan-a puo chüpahiko ze di keple-u nou houpfü thaya, sidi Jihova nu süyo shüketsei zetaketuo la - kemia-kokechü, shükeiraka kemehou, kesuo-u kinu kevor mesa kemo kertzhü kemehouko, mu sükemhieko rei sa thapie ba. Tekhu khurh-üu tha nu Gada puo ketha ngulie, kekreamonyü kephouma-a tsiakenuo puo za morei puo rhi chü pekreibfü di voryakechü la. Derei teroterü keba Khristan-ua kephouma morei satan-u thuo nanyü kitsatie kevimia puo rhi va mu teigeidieliemia kemhie ziekruoi vor zorei, Jihova die mu ketho ruopfüu puo chatha zeketuo la puo süko sikekreilieya. mia puo, puo dzie tietsa khrüva hie puo nunu zu shü pie theze se se tha, nashükezhako rei Khristan-u houpfü tha, kinjü nu keneiko pie puo shütalicketuo la. Siba zoshierei, thenou khashüketa Khristan-ua kephoumau mu kijüu sa pie Khrista ze krus geinu gouwaketa la puo lawe mhapuorei mote. Miarhi nu keba themia kenieu liro, kotari kecha puo pie Khristan-u zeshüzhie. Mia pu pesuokechü, mia ba kemo kinu mia dze pu pesuokchü, mia krekechü, siro huokipuowe kepelemia thuo zo di Jihova ngukemvüko ze Khristan ketho chüyakezhako kechükedekechü tsiakenuo baya-hakoha- a pele ketho chüyakezhau la kotari pie puo nou zeshü keba mhie zo. Derei puo Jihova dieko la mia sükemhie pu ba zorei süko kitsatie la kesiamia mhietuote. Puo Jisu die hau rükratie, "A la mia nieko tha mu nieko pese mu tijü di nieko gei die kesuo neiüko pu ro, nieko ruokuo tho. Nie neilie, mu nie neithor zolie. mhakekreiamonyü teigei nieko zhakhra vi se zotuo- kechü la. Süsü tuoi mia thiedzü nieko mhodzü ketuo siedzekesiko rei pese phi zo" (Mt. 5: 11, 12).

Kephouma, themo-u (uthuo u mo-u), mu terhuoke-suo-u hako uko rhie chü di Jihova kekhrie nunu Khristan-u chükhowatuou baya, derei puo puo nei se mu thepfu se zo di hakemhie pu lievi bate, "Supuonie Khrista u kekhrieu nunu u chükho seta lievituog? Kemezhikechü morei u nou mezhikechü? morei u pesekechü, morei pekriekchü? morei methuokechü? morei michiekechü? morei zhiechaa chülietuo ma?" sitatuo. (Rom. 8: 35). "Siüderei mha hako peteko nu U khrieyakezhau lanu we

kuokelie sie rei kuo salieya” (Rom. 8: 37). Puo Jihova rünyieko chüpfü tseikelie la teisozha kesuo puo vor rei süko nu thalie kevi chülie, sidi Khrista lanu medokephi puo ki kevo peteko rei penyülieta zo, puo kemezhiyekchü mu dopfi kere peteko nu kuolie, süsü u bu kuolie di za puzhyie kechü tsüre-u ngulieketuo la.

Puo nou keba (noule-u) THEMVÜU sü tsiewe ziekruoi btat. Kepele mu Kemesa Ruopfüu ü puo nou tsupfü bae. Teigeidielieu, süu Jihova die mesc, mu sü-u pukeshü, kehouporei hie mu ge pfü zo tha puo thela tsokelieko la Jihovaa pupie süko tsüpie kezhüko rei rükralie bate. “Aa Jihova kerüü chü nu bayakezha kerheiprübo-u geinu khapie kehouporei kuolieyakezhamia bu chü tuo”; “Kehouporei kuolieyakezhamia a kerüshü kerüvie manna pie sümia tsütuo, mu a ketsie kekra puo rei sa pie puo tsütuo; ketsie süu gei theza kesa puo thupie tuo”, “Siro themia kehouporei kuolieya mu kehouporei a mhathoko chü tha puoteichü ro, a rüna kekreako mho kekua kha puo tsütuo...”; “Themia kehouporei kuolieyakezhamia sidi pfe kekra se ketso tuo; mu kerhei leshüdau nu a puo za pekawa lielho, tsüu a A Puo mhodzü nu mu puo dielieko mhodzü nu puo za kevi phra zotuo”; “Themia kehouporei kuolieyakezhamia a sümia bu a Jihova kerüsuoki nu kipucho kemhie chütuo, siro puo sünunu mhakiporei kitie pra sa lielho”; “A kuolie di a Puo ze kediba nu bakelie tuoi sütuoi kehouporei kuolieyakezha mia, a sümia bu a kediba nu a ze balietuo” (Pesik. 2: 7, 11, 17, 26; 3: 5, 12, 21).

PRIESABOU PUO HIEPIE THA, hau puo nou rübei mo, derei puo priesabou-u zorei pie se Jihova vie chü zowaketa thashü. Kijü nu puo kinyiko kemethuo nunu pevo keba sou nu, puo tsiewe khapie kejüko khruohishü mu puo kinyi kidepuo ba shi, süko nunu zaker zapuo khapie Jihova tsü mha peteko rei tsiewe pie Jihova zapuzayie la mha chü bate.

KHUO PUO MU NIEKHRUDA-U, hau liro puo kethekere baketa thashü. Puo kemeze vieko pie puo perhu la sa mote, morei thezie kechü, morei khunuo chakhri di kechü, morei sükemhiekehü mesa kemo chako chü sa



10. The Glorious Homegoing

mote. Puo tsiewe sada panyü morei sükemhiekehrü daru u pekakechü vieko khrüchü di puo priesa pevo pie puo mo-u (Jihova iüsüki-u) perhu sa mote, derei kechü cha kemesako mu u va pevikezha chako rübei chü bate. Puo nou-ua tsiewe kechu kechü ki puo chülie bate. Puotei vi rei suota rei puoa kehokiu rei rhu se zo di kehokiu peteko nu volie siya. Kehokiu nunu shie morei puo kikru ze di shierei morei puo rübei kehokiu nunu zoshierei tsiewe kecha kechü sü puo nei phi bate, kekrelamonyü puo tsiewe Khristanmia puo kelhou sü kecha kechü nunu Jihova ze kerüchü kenupu ba zolie möchüsie Khristanmia puo chülie kenjükehrü silieketa la.

LESHUDA PUO HIEPIE THA, hauha Bible-a khrüpie puo tsü pie keba thashü, puo teisonhie süu phrüya, sünunu mhasi, puo chü pekuokelie, kerhei mu kezie ngulieyakechü la. U zo, pu phalie kenjükehrü kinyi sünu ba. Süua puo phi nu va pezieshüyakezha mibou puo, mu ngumvümia penyülieketuo la zhiecha puo chülie. Süua teisonhie puo ruopfüu la niekhrüdau zo, puo ruopfüu terhü tshülieketuo dzüu, siro puo chü kemesalieketuo la dzüloubou-u rei mu puo thuo puo ngulie kevi khrüva-u rei ta zo.

Puoa krus-u piekehrü puo nei, kekrelamonyü krusu sa moro puoa kuokelie tsüre puorei ngu lielhokechü sikechü la. Puo Christa ze rheilasie kelhou kesa lhoutuoketa la, pesogei keba vieko, kehachie vieko mu ngukemo vieko rübei pfütuote. Puoa Jihova ze keseketuo la dojülie bate, dzü khieki keba seiü mhie bate, puotei touki puo si vüshüya; khubebo botho-u cho mhiete, puo si vu philiya. Kesia kemichie sü puo si mo, kekrelamonyü vitsei zokechü Jihova kekhrieu süu Kemesa Ruopfüu puo uu tsupfü baketa la.

MIARAI K-ERU

Jisua sie puo ki, “A rheilakesieu zo, mu kerheiro-u zo: themia kehouporei a pelekezhama sümia siata zo rei rheilie zotuo; mu themia kehouporei rhei keba mu a pelekeliemia mhakipuorei siata lielho” (Jn. 11:25). “Themia kehouporei a die rünyülie di a ketsekeshüu peleliekezhau kehachie kerhei ngulie bate, mu süu mia pejok-

etuo-u nu vor monyü kesia chie kerhei nu prate" (Jn.5: 24). Süsie "Kuolie di kesiau sü mezuliete ho", Harie kesia n tha kirapuo ba ga ? O, mekhru-u, no kuokelie kirapuo ba ga ?....." Sirei u Niepu Jisu Khrista la kuokelie kha u tsükeshüu Jihova pezie!" (1Korin. 15: 4-57).

Miapuo a Jihova ze lhou mu puo zetuoya liro kesia preiya mo. Puo bu tuota morokesuo tei vorta zo rei, puo neisiei di vota zotuo, Apostle Paul-a pukeshü kemhie di, "A tuota di vo Khrista ze bata rei nyü ba, süua vikuo zokechü la" si. (Filipi. 1:23).

Khristanmia puoa Jisu zie ngunyüsiei pfü bataya, kekrelamonyü Jisua krus geinu sia di puo rhapsie zhükechü la. Kemesa Ruopfüu rei Jisu dieko pie puo bu rükrashühüya, "Nieko nou kemezhieta suo: nieko Jihova pele balie, a pele rei balie. A puo kinu themia ba ba phi;.....A la vor di nieko ze a ki vota tuo; sidi nieko bu rei a kebara balietuo", (Jn. 14:1-4). Derei mhasi süu dze hakemhie di thupie zhü: "Umhi pie ngulie moketa, mu unyie rei pie rünyülie moketa, mu themia melou nu lelie moketa, mha sikechüko Jihovaa puo khrie puo rhyakezhako la kesepie tuote" (1 Korin. 2:9). Kijü nu die puo nunu rei kepelemiako kijü hanunu Jisu Khrista phiprako nu tuo vokechü dze teigei zapuzayie kechüu nunu kesepie kebako dze puo kekralie kenjü zowe !

Miarhi thelatho hanu Jihova dieliemia puo themia ru, (kesia sou nu) thakechü ngulie. Puoa mezhülieketa ruopfüu ze Jihova ki votaketuo-u pfe thate. Ruopfüu mu kerheiro-ua puo mo-u ka mu reta liekeviu nunu phapfü kebau preishüte, sidi ta teigei chare-u nu le puo ruopfü khrieyakezhau. merü gei baliete, kekrelamonyü puo rei kijü hanunu puo Niepuu la lhou mu siashü zokechü la. Puo Niepuua Jihova mhodzü nunu puo vorkechü pfe tha di puo nei se di puo zolie di sie die hako pie puo kelu di pu, "Siyazemu, no kituo kevi kediethe puo: vor n Niepuu ze n nei batachie" (Mt. 25:21). "Jihova mhodzü ki puo kemesamiako kesiaa puoma re" süla satan-a puo mho kuo sa lielhote. "Süsie a-a teigei nu mha pfe puo si ru, thuliechie: tsieyawinu Niepuu nu tuo di siak-

etako ruokuotho! Uwe, Ruopfüu-a puya, süko uko mhathoko nunu rülitatuo: uko mhathoko uko ze vortie ru!" sita. (Pesik. 14: 13).

TARHOKESHÛ THELAU

Hau phrüyakezha kekhrieu, Niepuu bu n khruohishü di n bu n nou khapie Puo n khrieyakezhau tsüshülie üthienyü, Puo tsierei n ki hakemhie pu tha zo, "A nuo (a nuopfü), n nou khapie a tsüshüchie" (Mhasi. 23:26). N. nouchako, thenoukesuoko, n melou chü zokebako khapie Jisu tsüshüliechie, siro Puo thenou kesa puo mu ruopfü kesa puo pie n tsüshütuo. N thuo n menguko medzi di süko bu n sekewa chü hiechie, "themia puo thuo puo peleyakezhamia sü kenyamia zo: derei themia kehouporei mhasi di lhoutuokechümia puo kelalietuo" (Mhasi. 28:26). N Kephoumako khawa di kemiatho-u kitsa vorliechie, kekreamonyü kephouma zhakhra-a kesia zo, derei Jisu Khrista nunu methuo kha u tsükeshüuwe kechachie kerhei zokechü la" (Rom. 6. 23)

No n kelhou khapie Jihova tsüshülieta liro, "No a kinu sikelie u shüvaperheikechü dieko pie Khrista Jisu kinu ngukelie kepele mu kekhrie nunu mia mhodzü nu thaki epuo chüse tuo zolie" (2Tim. 1:13). "Sizomonyü a Puo peletuoketa-u, a süu si tuoya zo, mu a mha pie puo pelepie tuokewau, puo süu rukhie rüguose tuo teisozha kezha nhie tso lievikechü a sitou bata zo" Kemesa Ruopfüu nunu cha mu kepele kitsatie mevi sielie, Jihova kekhrie nu ba zolie, Jisu meho zolie, Puaa Chau mu Ketho-u mu Kerheiro-u zo, uko Niepuua pecha mo di la vor puo vieko zelietatuo- Puaa Kediko mho kedi mu Niepuko mho Niepuu zo."

"Chüsie nieko phi mesüketuo nunu nieko rüguose tuo liekeviu mu u neisie di nieko bu jota mo di nieko khapie puo thuo zayie chüketuou mhodzü nu shütou pie balieketuou, u Niepu Jisu Khrista la u Kelakelie puo rübei u Jihova chü zokechüu, süu bu nnhie-rnhie nü rei tsiedo rei mu kechachie rei zayie, kezha, kedi, mu kek-u-u chüliechie" Amen. (Juda. 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)